



Bosna i Hercegovina
Federacija Bosne i Hercegovine
UNSKO - SANSKI KANTON
JU DIREKCIJA REGIONALNIH CESTA USK BIHAĆ

Broj: 01-23-709- 19 /22
Datum: 11.08.2022. godine

Na osnovu odredbe čl. 70. Zakona o javnim nabavkama BiH („Sl. Glasnik BiH“, broj: 39/14), člana 8. stav (2) tačka d) Pravilnika o uspostavljanju i radu Komisije za nabavke ("Sl. glasnik BiH", broj: 103/14), na osnovu člana 17. stav 7) Pravilnika o javnim nabavkama JU Direkcija regionalnih cesta USK Bihać broj: 01/NO-05-160-2/19 od 23.12.2019. godine, broj: 01/NO-05-160-3/19 od 27.02.2020. godine i broj: 01/NO-05-160-4/19 od 06.07.2020. godine, te na osnovu Zapisnika o pregledu i ocjeni ponuda, broj: 01-23-709-18/22 od 11.08.2022. godine, Ugovorni organ JU Direkcija regionalnih cesta USK Bihać donosi

ODLUKU

**o izboru najpovoljnijeg ponuđača za javnu nabavku radova
„Mjestimični popravci kolovozne konstrukcije regionalne ceste R-400 na STD 4+565 km i mjestimični
popravci kolovozne konstrukcije i obnavljanje kolovoznog zastora na regionalnoj cesti R-401a (STD
0+850 km)“**

I

Prihvata se preporuka Komisije za javnu nabavku radova „Mjestimični popravci kolovozne konstrukcije regionalne ceste R-400 na STD 4+565 km i mjestimični popravci kolovozne konstrukcije i obnavljanje kolovoznog zastora na regionalnoj cesti R-401a (STD 0+850 km)", te se za najpovoljnijeg ponuđača proglašava

**KOV-GRAD doo sa cijenom od 186.390,00 KM bez PDV-a,
odnosno 218.076,30 KM sa PDV-om.**

II

Ugovor o nabavci radova iz tačke I ove Odluke, zaključiće se nakon proteka roka od 15 dana od dana dostavljanja Odluke svim ponuđačima. Obavezuje se ponuđač koji je proglašen kao najpovoljniji da **u roku od 5 dana od dana prijema Odluke, dostavi dokumentaciju shodno izjavi (aneks 4, aneks 5)**. Ukoliko izabrani ponuđač ne dostavi navedenu dokumentaciju Ugovor će se dodijeliti sljedećem najpovoljnijem ponuđaču.

III

Istovremeno sa dostavljanjem odluke ponuđačima ista će se objaviti na web stranici Ugovornog organa www.cesteus.com

IV

Odluka stupa na snagu danom donošenja.

Obrazloženje

Postupak javne nabavke radova „Mjestimični popravci kolovozne konstrukcije regionalne ceste R-400 na STD 4+565 km i mjestimični popravci kolovozne konstrukcije i obnavljanje kolovoznog zastora na regionalnoj cesti R-401a (STD 0+850 km)" pokrenut je Odlukom o pokretanju postupka nabavke radova, broj: 01-23-7029-1/22 od 27.06.2022. godine.

Komisija za provođenje ovog postupka, imenovana Rješenjem, broj: 01-23-709-3/22 od 30.06.2022. godine i Rješenje o izmjeni Rješenja, broj: 01-23-709-18/22 od 11.08.2022. godine, pristupila je provođenju postupka javne nabavke, odnosno donošenju poslovnika o radu, otvaranju ponuda, pregledu i ocjeni pristiglih ponuda. Javna nabavka je provedena putem otvorenog postupka.

Javna nabavka je objavljena na portalu javnih nabavki E-nabavke brojem obavještenja: 213-1-3-42-3-29/22.

Krajnji rok dostavljanja ponuda određen je za dan 01.08.2022.godine u 12:00 sati.

Dan otvaranja ponuda određen je za dan 01.08.2022.godine u 12:30 sati.

Do datuma određenog kao krajnji rok za prijem ponuda pristigle su slijedeće ponude:

R/b	Broj protokola	Naziv / Ime ponuđača (šifra)	Ukupna cijena ponude sa popustom (bez PDV-a)
1.	01-23-710-5/22	Niskogradnja Marjanović d.o.o. Prijedor	264.427,91 KM
2.	01-23-708-6/22	E-Beganović d.o.o. Cazin	268.996,20 KM
3.	01-23-708-7/22	KOV-GRAD do.o. Bužim	190.553,86 KM
4.	01-23-708-6/22	BK Kendić Gradnja d.o.o. Velika Kladuša	265.507,35 KM
5.	01-23-708-6/22	I-Selimović d.o.o. Cazin	260.576,96 KM

Komisija je pristupila pregledu i ocjeni ponuda 09.08.2022. godine, te sačinila Zapisnik o pregledu i ocjeni ponuda, broj: 01-23-709-18/22 od 11.08.2022. godine koji se u ovu Odluku dostavlja svim učesnicima u postupku.

Nakon pregleda i ocjene ponuda, komisija je zauzela slijedeći stav:

Sve ponude su prihvatljive u smislu da su dostavljene blagovremeno, spakovane u skladu sa zahtjevima navedenim u TD, u istim kovertama dostavljene i kopije ponuda.

Analizom pristiglih ponuda, Komisija je ustanovila da ponude ponuđača Niskogradnja Marjanović d.o.o. Prijedor i BK Kendić Gradnja d.o.o. Velika Kladuša nisu prihvatljive za ugovorni organ, jer ne ispunjavaju uslove postavljene TD.

Ponuda ponuđača Niskogradnja Marijanović doo Prijedor neprihvatljiva je za ugovorni organ jer ne ispunjava uslove postavljene TD, a koji se odnose na ekonomsku i finansijsku sposobnost. Naime, TD dokumentacijom je, između ostalog, propisano da ponuđač treba dostaviti potvrdu poslovne banke ponuđača u kojoj ima otvoren glavni transakcijski račun, a kojom dokazuje da mu glavni transakcijski račun nije bio blokiran u zadnjih 30 dana računajući od dana dostave ponude.

Međutim, ponuđač Niskogradnja Marijanović doo je ponudu predao dana 19.07.2022. godine, a u istoj je dostavio Uvjerenje o likvidnosti NLB banke, broj: 03.03-08.4-1155/2022. god. od 06.07.2022. godine. Imajući u vidu gore navedeno predmetna ponuda nije prihvatljiva za ugovorni organ jer ne ispunjava uslov postavljen TD-om.

Ponuda ponuđača BK Kendić Gradnja doo neprihvatljiva je za ugovorni organ jer ne ispunjava uslove postavljene TD, a koji se odnose na ekonomsku i finansijsku sposobnost.

Naime, TD dokumentacijom je, između ostalog, propisano da ponuđač treba dostaviti potvrdu poslovne banke ponuđača u kojoj ima otvoren glavni transakcijski račun, a kojom dokazuje da mu glavni transakcijski račun nije bio blokiran u zadnjih 30 dana računajući od dana dostave ponude.

Međutim, ponuđač BK Kendić Gradnja doo je nije dostavio predmetnu potvrdu.

Ponuđač BK Kendić Gradnja doo nije dostavio bankovnu garanciju za ozbiljnost ponude u skladu sa tačko V. GARANCIJA TD.

BK Kendić Gradnja doo nije dostavio valjane dokaze o tehničkoj i profesionalnoj sposobnosti, naime isti je dostavio listu radova ali ne i potvrde o uredno izvršenim ugovorima odnosno kvalitetno izvedenim radovima kako je zahtjevano TD-om.

BK Kendić Gradnja doo nije dostavio dokaz o raspolaganju minimalne tražene tehničke opreme i tehničkih sredstava, periodičnih pregleda, odnosno za mašine upotrebne dozvole, odnosno nije dostavio dokaz o posjedovanju rezačice za asfalt i šprice za bitumensku emulziju.

BK Kendić Gradnja doo nije dostavio o posjedovanju legalnih kamenoloma (ugovori o zakupu, koncesiji, itd.), a kako je i predviđeno TD-om.

BK Kendić Gradnja doo nije uz ponudu dostavio popis dostavljenih dokumenata, izjava i obrataza sa nazivom istih, a kako je i predviđeno TD-om.

Dakle, iz gore navedenih razloga ponude ponuđača Niskogradnja Marijanović doo i BK Kendić Gradnja doo nisu prihvatljive za ugovorni organ.

Shodno navedenom, Komisija konstatuje da su za zakazivanje e-aukcije prihvatljive ponude ponuđača I-Selimović d.o.o. Cazin, KOV-GRAD d.o.o. Bužim i E-Beganović d.o.o. Cazin.

S obzirom da je pristigao dovoljan broj prihvatljivih ponuda, a prema uslovima iz TD, Komisija je u skladu sa Pravilnikom o uslovima i načinu korištenja e-aukcije (Sl.glasnik BiH broj: 66/16) zakazala E-aukciju za dan 11.08.2022.godine s početkomu 12:00 sati, te je rangirala prihvatljive ponude prema kriteriju za izbor ponude za provođenje postupka e-aukcije:

1. KOV-GRAD doo, iznos ponude 190.553,86 KM bez PDV-a
2. I-Selimović doo, iznos ponude 260.576,96 KM bez PDV-a
3. E-Beganović doo, iznos ponude 268.996,20 KM bez PDV-a

Na gore zakazani datum održana je E-aukcija, u kojoj su učestvovali svi ponuđači.

Nakon završetka E- aukcije, komisija je shodno Izvještaju sa E portala o provedenoj i završenoj E-aukciji rangirala ponuđače prema kriteriju najniža cijena kako slijedi:

1. KOV-GRAD doo, iznos ponude 186.390,00 KM bez PDV-a
2. I-Selimović doo, iznos ponude 190.363,31 KM bez PDV-a
3. E-Beganović doo, iznos ponude 268.996,20 KM bez PDV-a

Nakon provedene E- aukcije, dvije ponude ponuđača I-Selimović doo i E-Beganović doo su više od planske vrijednosti ugovornog organa (planska vrijednosti iznosi 186.395,67 KM bez PDV-a) i kao takve neprihvatljive za ugovorni organ, dok je ponuda ponuđača KOV-GRAD doo manja od procijenjene vrijednosti ugovornog organa.

Komisija je, uzimajući u obzir činjenicu da je kriterij za dodjelu ugovora najniža cijena, jednoglasno dala slijedeću preporuku ugovornom organu:

Da donese odluku o dodijeli ugovora u skladu sa kriterijem najniža cijena tehnički zadovoljavajuće ponude, i za najpovoljnijeg proglasi

**KOV-GRAD doo sa cijenom od 186.390,00 KM bez PDV-a,
odnosno 218.076,30 KM sa PDV-om.**

Imajući u vidu da je Komisija pravilno i blagovremeno provela otvaranje ponuda, te pregled i ocjenu ponuda, Ugovorni organ je odlučio kao u ovoj Odluci.

Pouka o pravnom lijeku:

Ponuđač koji je učestvovao u postupku javne nabavke može izjaviti žalbu u u roku od 10 (deset) dana od dana prijema odluke shodno članu 101 ZJN BIH.

Obradivač akta



DIREKTOR
Amir Osmančević dr sc oec

Dostavljeno:

- I-Selimović d.o.o. Cazin, Polje 15, 77220 Cazin, e-mail: iselimovicdoo@gmail.com
 - E-Beganović d.o.o. Cazin, Mala Lisa bb, 77220 Cazin, e-mail: doe.beganovic@gmail.com
 - Niskogradnja Marjanović d.o.o. Prijedor, Znanstvena dd, 79101 Prijedor, e-mail: nabavke@niskogradnjamarjanovic.com
 - KOV-GRAD d.o.o. Bužim, Mrazovac br. 326, kovgrad.buzim@bih.net.ba
 - BK Kendić Gradnja doo Velika Kladuša, Maršala Tita bb, Velika Kladuša, e-mail: bkkendicgradnja@gmail.com
 - Web stranica www.cesteusk.com
- a/a